



Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Provisione Et Obtentione Beneficiarvm

Leuren, Peter

Coloniæ Agrippinæ, 1704

163. Præsentatio illiterati quandonam sit jure ipso irrita.

[urn:nbn:de:hbz:466:1-74485](#)

& claram Rotæ decisi. in una Firmiana jarisp. 14. Novembris. 1586. coram Orano. & Gl. in c. ei, cuius de præb. in 6. quam ut ait Garc. sequuntur omnes, & expressè Jo. And. num. 1. ubi ait: Licet hæc opinio non modicum rigoris habeat in eo, qui est omnino proximus ætati legitimæ, nimis tamen præsumptuofum esse, hoc assertive dicere, & conditoris esse, non glossatoris, huic æquitati providere. Idem tenet Franch. in cit. c. ei, cuius & ex eo Lott. l. 2. q. 47. num. 18. dum ait, jus commune in hac materia usque adeo rigorem servat, ut dum ætatem in promoto exigit, non contentetur, ut is valde proximus sit ætati idoneæ, v. g. etiam ante prima Ordinationum tempora completeretur esse ætatem requisitam.

Quæstio 162. Præsentandus ad beneficium sacerdotale, an & quando debeat esse actus sacerdos?

Respondeo: sicuti, num beneficium sacerdotalem Ordinem annexum habeat, nec ne, ita num præsentatus habere debeat tempore præsentationis dictum Ordinem; an verò sufficiat habere illum habitu, seu talis sit præsentatus, ut intra annum ad presbyteriū promoveri possit, pendet ex mente seu voluntate fundatoris (vel etiam statuti, si exinde requiratur) Corrad. & Lott. paulò post citandi. Quæ mens ex verbis fundatoris est metienda & colligenda; de quo plura sub initium primæ partis. Illud hic breviter reperendum, quod, dum verba fundationis vel statutis respiciunt actum præsentationis, v. g. diceretur: præsentetur presbyter: vel præsentetur sacerdos, qui missas celebret, præsentandus necessariò tempore præsentationis debet esse sacerdos, & non sufficit habere ætatem requisitam ad sacerdotium. Si verò verba non respiciunt actum præsentationis, sed potius prosecutionem illius, v. g. si diceretur: præsentetur, qui missas celebret; vel etiam: quæ missas per se celebret: vel, quod obtinens beneficium missas dicat: vel, præsentetur, qui missas celebrare teneatur: vel si simpliciter conitetur fundator, & exprimat beneficium esse sacerdotale; cum hac omnia significent & respiciant prosecutionem ipsius præsentationis, & tempus post institutionem, non requiritur, ut sit actus presbyter; sed sufficit, ut talis sit habitu tempore præsentationis, seu habeat ætatem, ut possit promoveri tunc ad sacerdotium, hoc est, attigerit 25. annum, & intra annum fieri sacerdos; qualitas enim juxta verba intelligitur secundum statutum illius. Corrad. l. 3. c. 7. num. 4. Garc. p. 7. c. 1. num. 79. & seq. Lott. l. 2. q. 47. à num. 8. Sed neque in hoc facienda est distinctione inter fundationem laici & Ecclesiastici, ita ut ex fundatione laici requiratur tunc actus sacerdotium; ex fundatione autem Ecclesiastici tunc sufficiat esse habitu presbyterum; eò quod Ecclesiasticus censetur se voluisse conformare dispositioni juris canonici, quod, dum simpliciter exigit Ordinem aliquem in promovendo ad beneficium, censetur contentari, quod quis habeat talenm Ordinem habitu, seu ut habeat ætatem requisitam ad tamem Ordinem, etimq; suscipiat, quamprimum possit, ut docere videntur Guit. Lamb. Ferret. Azor. p. 2. l. 6. c. 24. q. 3. & 4. apud Garc. n. 82. & apud Lott. num. 15. Barbat. & Rota. Nam si in fundatione laici ista verba importent, quod requiratur actus sacerdotium, idem etiam importabant in fundatione Ecclesiastici, & econtra; si id non impo-

tent in fundatione Ecclesiastici, etiam non importabant in fundatione laici. Garc. loc. cit. num. 83. Lott. loc. cit. num. 16. dicens, dictam distinctionem nullo jure aut ratione fultam esse.

Quæstio 163. Præsentatio illiterati quando-nam sit jure ipso irrita?

Respondeo: si quis omnino illetteratus sit, ut litteras latinas nequidem legere sciat, illius, uti electio & provisio, ita etiam præsentatio ipso jure irrita est. Argumento c. ult. de temp. ord. in 6. quia ut dicitur c. illiteratos. dis. 30. literis carens sacrif. non potest esse apud officiis. Laym. in c. cum in cunctis. de elect. §. inferiora num. 10. Si quis tamen legere & scribere sciat, licet non intelligat, ejus præsentatio, uti & facta ei alias collatio beneficii, videtur ipso jure esse valida: et si, ut colligitur ex Trident. sess. 7. c. 3. & sess. 24. c. 12. rescindi debeat. Laym. ibid. num. 11. citans Nav. in c. si quando. de rescript. excep. 12. num. 8. si tamen beneficium est curatum, aut Ecclesia Cathedralis, ad quam ita illiteratus promoverur, ipso jure irrita est promotio, Argumento c. cum in cunctis. & c. ult. de etat. & qualit. Laym. ibid. Porro de literatura requisita ad beneficia, vide Lott. l. 2. q. 50. & quæ p. 1. dicta sunt, item dicenda infra de collatione.

Quæstio 164. Num patronus, dum idoneus est, præsentare posse ipsum per se, vel per alium ad beneficium sui juris patronatus?

Respondeo ad primum negativè; ita enim expressè decisum est c. per nostras, b. r. debet enim esse distinctione, ut gl. in cit. c. v. præsentare, inter præsentantem & præsentatum, sicut inter dantem & recipientem, inter baptizantem & baptizatum. Corrad. l. 4. c. 2. num. 12. Castrop. cit. p. 7. n. 2. Pirh. b. t. num. 89. Barb. juris Eccl. l. 3. c. 12. num. 193. citans quamplurimos cum communis. Proceditque idipsum etiam in beneficiis simplicibus; tametsi enim in cit. c. per nostras. Sermo sit de personatu; eadem tamen ratio, in qua fundatur decisio dicti cap. ne scilicet Clerici seipso præsentantes incident in vitium ambitionis, etiam locum habet in beneficiis simplicibus. Jo. And. in cit. c. num. 3. Abb. n. 2. Barb. num. 7. quos citant & sequuntur Corrad. num. 16. Pirh. num. 90.

2. Poterit nihilominus patronus, quando jam esset præsentatus ab alio copatrono (posse enim patronos, dum plures sunt, unum ex seipso nominare seu præsentare, Argumento c. congregato. 16. q. ult. & c. quia propter. & c. ne pro defectu. de elect. ubi permittitur electoribus unum ex se diligere, tradit Castrop. cit. p. 7. n. 3. citatique gl. in c. consuuit. b. t. Lamb. l. 2. p. 17. q. 2. a. 5. Ricc. in pr. resol. 174. num. 3. Azor. p. 2. l. 6. c. 21. q. 3. Tisch. lit. P. concl. 595. Barb.) præsentationi jam de se factæ consentire (quia cum se non ingessit, neque ambitionis reputabatur, sed magis vocatus ab aliis) non quidem dicendo: præsento meipsum; sed consentio præsentationi de me facta: ac prout debet præcedere aliorum patronorum de eo facta præsentatio, & ei de his constare, uti ei constaret, dum præsentatio facta fuit palam per vota aperta; non autem, quod illa fiat eodem tempore; si enim is unum cum aliis, absque eo, quod scire poterat, se ab aliis præsentatum (ut fieret, dum præsentatio facta per viam secreti scrutinii) adhuc nulla foret præsentatio, & juxta decisi. Rota in Pergam. Capellania coram Buratto decisi. 316. num. 2. locus est dispositioni c. per nostras;